

IN NOMINE TRINITATIS  
DE

# SENSU SCRIP-

## PTURÆ SACRÆ

### DISPUTATIO THEOLOGICA

PRIMA.

Quam

## In Illustri Universitate Jenensi

PRAESIDE

### V I R O

*Plurimum Reverendo, Amplissimo, & Excellentissimo,*

## DN. CHRISTIANO CHEM-

## NITIO, SS. Theol. D. Prof. Publ. & Facultatis

suae h. t. DECANO Spectabili, ut & Ecclesiae & Dioce-  
cesis ibidem Pastore & Superintendente; Patrono & Prae-  
ceptore suo æternum coleado & hono-  
rando,

*Publicæ ventilationi submittit*

## M. JOHANNES HENRICUS

## VVALTHER, Vinariensis-Thuringus.

*Ad d. XXIV. Februarij*

## In Auditorio Theologico.

---

### J E N Æ,

*Typis GEORGII SENGENVVALDI.*

*Anno M. DC. LIV.*

SENSE

THE

IN THE

THE

THE

THE

THE

THE



*In Nomine SS. Trinitatis.*

DISPUTATIO THEOLOGICA  
DE  
SENSU SCRIPTURÆ SACRÆ  
PRIMA:  
THESIS I.

**M**Agnum hoc est, adeoque necessarium prorsus Christiano caput. Scriptura enim lecta nihil prodest, nisi etiam intelligatur. Unde *part. 1. Exam. Concil. Tridentini p. 57.* scribit B. Chemnitius: *Hilaris dictum est: Scriptura non sunt in legendo, sed in intelligendo. Certum igitur est, doctrinam Scripturæ, & salutarem ejus usum, consistere non in verbis non intellectis: sed in vero ejus sensu, & sano intellectu, sicut parabola, Matth. 13. inquit: Qui Verbum Tibi audit & intelligit, & fructum affert, hic in terram bonam seminatus est. Intelligimus autem per Sensum Scripturæ, rem verbis ejusdem significatam, sive significationem ejus rei, quam in quolibet loco Spiritus sanctus intendit. Nam sicuti Interpretationem nihil aliud esse constat, quam investigationem ejus rei, quam Scriptura in singulis locis per verba sua significat: Sic etiam hæc rei significatio, sive res significata rectè vocatur, Scriptura SENSUS. Cum itaq; plurima ab hac materia dependeant: Ideò animus est aliquibus Disputationibus eam considerandam proponere, & imprimis hac & sequenti Disputatione videre: Undenam sumendus sit verus & genuinus Sacra Scriptura SENSUS? Sive, unde*

is *quoad nos dependeat?* Spiritus autem veritatis, de cujus verbo acturi sumus, in omnem veritatem nos gratiosè & clementer ducere dignetur!

II. Sic igitur Concil. Tridentinum Sess. IV. Decreto II. Canonè alio: *Praterè ad coercenda petulantia ingenia, decrevit* (Sacrosancta Synodus) *ut nemo sua prudentiæ innixus, in rebus fidei & morum, ad adificationem doctrinæ Christianæ persuadendum, sacram Scripturam ad suos sensus contorqueat, aut contra eum sensum, quem tenuit & tenet sancta mater Ecclesia, cujus est judicare de vero sensu & interpretatione sanctarum Scripturarum, aut etiam contra unanimum consensum Patrum, ipsam Scripturam sacram interpretari audeat, etiamsi hujusmodi Interpretationes, nullo unquam tempore in lucem edenda forent. Qui contrà venerint, per ordinarios declarentur, & pœnis à jure statutis puniantur.* Ita Concilium Tridentinum; suspendens verum & genuinum Scripturæ SENSUM à SENSU Ecclesiæ, & ab unanimi CONSENSU Patrum.

III. Quàm varius autem æstus fuerit apud congregatos Patres, antequam rupto jecore exierit tandem hæc caprificus, egregiè describit Petrus Suavis in *Historiâ Concilii Tridentini, Lib. II. pag. 173. & seqq.* Principio enim variis sermonibus occasionem dedit Doctrina Cardinalis Cajetani, docentis; novum aliquem Scripturæ sensum, quando cum Textu concordat, & neq. cum aliis Scripturæ locis, neq. cum fidei doctrinâ pugnat, rejiciendum non esse, utcumq. torrens Doctorem ad alium sensum confluat. Deum enim Scripturæ sensum solis priscis Doctores non alligasse. alioqui nihil aliud aut hujus, aut posteris Scriptoribus relictum, quàm ut ab aliis scripta exscribant in suos libros. Et hanc sententiam Cajetani, quæ Sensem Scripturæ non solis priscis Doctores alligat, alii Theologi & Patres probabant: alii vero impugnabant.

IV. Qui eam probabant; his I. Tyrannis quædam spiritua-

7  
ritualis videbatur, interdicare fidelibus, ne ingenii sui vires  
exerceant pro modulo donorum, quæ Deus iis elargitus ef-  
set. 2. Et propterea hoc nihil aliud esse, quàm vetare, ne ta-  
lentum à Deo concessum, in mercimonium spirituale, uti  
decebat, erogetur. 3. Studiosos ita à studio sacrarum litera-  
rum deterreri, cum contrà homines potius quibusvis illece-  
bris ad illarum lectionem sint prolestandi. 4. Istam spiri-  
tualium donorum varietatem ad Ecclesiæ perfectionem per-  
tinere. 5. In Patrum Scriptis non modò magnam opinio-  
num diversitatem, verùm contrarietatem quoq; conspici;  
cum arctissimâ tamen charitate conjunctam. 6. Permitten-  
dam esse itaq; etiam huic nostro seculo eandem libertatem,  
cum superioribus seculis tam fuerit fructuosa. 7. Schola-  
sticos Theologos, etsi de sacrarum literarum sensu non con-  
trovertant, crebra tamen, & non minùs periculosa inter se  
de religionis capitibus fovere dissidia. Ita Pars melior sen-  
tentiam suam defendere, & suadere: Scripturæ Interpreta-  
tionem non esse finibus tam angustis concludendam, sed ro-  
linquendam liberam.

V. Qui autem *contrariam* sententiam defendebant,  
urgebant 1. Licentiam illam majores turbas esse Ecclesiæ da-  
turam, quàm ipsam tyrannidem. 2. Requiere hoc præsen-  
tia tempora. cohibenda enim esse effrænata hominum inge-  
nia, alioqui nullum fore contentionum finem. 3. Prisca se-  
cula hanc libertatem postulasse, & eâ opus habuisse, quòd  
paucæ essent expositiones Bibliorum, & quòd nihil turba-  
rum metuendum esset ab hominibus, vitæ sanctimoniâ, in-  
geniique moderatione spectatis: hodierna autem tempora a-  
lios mores postulare. 4. Deditâ operâ Scholasticos Theologos,  
homines; ad disputandû suo pte ingenio proclives, à Scriptu-  
râ ad effata & rationes Aristotelis deduxisse, ut ibi distine-  
rentur: propterea quòd viderint 1. nullam esse in Ecclesiâ

aliarum Interpretationum necessitatem; & Scripturam non modò sufficienter, sed etiam copiosè explicatam, 2. non posse melius verbo DEI cultum & reverentiam debitam conservari, quàm hoc modo; quippe cui plurimum decedat, quando illotis vulgi manibus tractetur, aut curiosis, tanquam materia exercitandis ipsorum ingeniis propinetur. Atque hæc sententia eò confidentiæ processit, & tantas prolata, acquisivit vires, ut impudens & ferreum os alicujus Monachi, nomine Ricardus de Mans, ordinis Franciscanorum, non erubuerit dicere: *Fidei dogmata, operà Scholasticorum in præsens sic esse enucleata, ut impossibilem ex Scripturâ ea addiscere nibileffet opus.* Eam olim in Ecclesiâ legi & in Scholis addisci solitam ad populum instituentium. nunc verò in Ecclesiâ lectitari, ut orare doceat, solùm, qui unicus debeat esse illius usus; non autem ut addiscatur: atq; cum esse cultum ac venerationem; à singulis Verbo DEI debitam. Illud verò omninò prohibendum, *ne quis discendi studio Scripturam legat, nisi qui in Theologiæ Scholasticæ doctrinâ prius sit institutus.* Apud eos enim, qui in sacris literis versantur, Lutheranos maximos facere progressus. Quod haud aliter dictum est, atq; Albertus Pigbius, de Eccles. Hier: Lib. 1. c. 4. dicit: *Si hujus doctrinæ memores fuissetus, hereticos scilicet non esse informandos vel convincendos ex Scripturis, meliore sanè loco essent res nostra. Sed dum ostentandi ingenij & eruditionis gratiâ, cum Luthero incertamen descenditur Scripturarum, excitatum est hoc, quod prob dolor, nunc v. demus, incendium.* Hic videlicet ille, honos est, quem deferunt Scripturæ sacræ Pontifici.

VI. Sed inter has duas sententias nonnulli seingerebant medios. Quidam enim contendebant *Sacra Scriptura intelligentiam non ad solos Patres restringendam; quòd illorum sensus, ut plurimum sint allegorici, raro literales:* & quòd, qui literam sequuntur, expositiones suas accommodent ad suum seculum, quæ ætati nostræ planè non quadrent. Permittendas igitur esse *novas expositiones, modò accommodatae sint*

sint nostris temporibus, nec dissentiant cum sensu seculi. Scitè enim dixisse Cardinalem Cusanum, Scripturarum intelligentiam temporì aptandam: & idem voluisse ultimum Concilium Lateranense, quando statuerit, Scripturam secundum Doctores Ecclesie, aut sicut longa consuetudo approbavit, explicandam. Dominicus à Soto autem, Dominicanus; distinguebat inter ea, quæ pertineant ad fidem & mores; & inter ea; quæ huc non pertineant. Quoad priora æquum esse, ut ingenia omnia intraliquites jam positos contineantur: in aliis verò nihil esse incommodi, cuiq; permittere, ut salvà pietate charitateq; in suo abundet sensu.

VII. Tandem verò, cùm ad suffragia ventum esset, Cardinalis Paciecus dixit, Sacram Scripturam à tot tamq; præclaris eruditione & probitate viris explicatam, ut nihil addi possit; hæresesq; omnes inde natas, quòd Scriptura novi sensus affingantur. Esse itaq; necessarium petulantiam ingeniorum nostri seculi retundere, & efficere, ut antiquis Patribus & Ecclesie se regendos permittant: quod si alicui singularis Spiritus eboriatur, cogendum cum, ut sibi sapiat, neq; animi sui sensu evulgato, aliis negotium faceffat. Atque in eam sententiam ab omnibus penè itumfuisse, scribit Svanus.

XII. Ex quibus, paullo prolixius adductis elucescit, quantæ molis fuerit decretum hoc condere; & quàm varia tormina passa fuerit sanctissima mater Ecclesia, Tridenti representativè collecta; priusquam hunc suum abortu potius, quàm foetum ediderit in lucem. Scripturam enim Ecclesie subicere, & expositioni Patrum, non est de umbrâ afini, aut lanâ caprinâ sollicitum esse: sed res summi momenti. Quia enim FIDES nostra Scripturâ nititur rectè & in sensu à Spiritu sancto intento intellectâ, ac in eandem resolvitur: Ideò manifestum est, non posse aliquem certum esse de suâ FIDE, nisi certò noverit, eam convenire cum Verbo DEI, in eo sensu intellecto, quem Spiritus S. intenderit.

IX. Decernit itaque Concilium Tridentinum; Hunc esse  
verum, genuinum & à Spiritu sancto intentum Sacre Scriptura  
sensum, quem teneat & tenuerit Sancta mater Ecclesia; & qui con-  
formis sit, unanimi consensui Patrum. Ratio igitur credendi quo-  
ad nos; Hunc esse verum, genuinum & à Spiritu sancto intentum,  
sacra Scriptura sensum; juxta hocce Decretum erit: 1. Aucto-  
ritas Ecclesia, ut quis sciat hunc sensum tenuisse & tenere san-  
ctam matrem Ecclesiam. 2. Unanimis consensus Patrum. Unde  
& idem Concilium Tridentinum Sess. V. Decreto primo, dicit, di-  
ctum Paulinum Rom. V. v. 12, In quo omnes peccaverunt, etiam  
infantes roos agere peccati originalis: quia id Ecclesia Catbo-  
lica ubiq, diffusa, semper ita intellexerit. Et rursus: Concupiscen-  
tiam, quam aliquando Apostolus peccatum appellat, sancta  
Synodus declarat, Ecclesiam Catholicam nunquam intellexisse pec-  
catum appellari, quod verè & propriè in renatis peccatum sit. Sed  
quia ex peccato est, & ad peccatum inclinat. Si quis autem con-  
trarium senserit, anathema sit. Concupiscentia igitur non est  
propriè dictum peccatum: quia Ecclesia Catholica nunquam ita in-  
tellexit. Audimus ergò: quoad nos, SENSUM Scripturae sus-  
pendià SENSU Ecclesiae; & ab unanimi CONSENSU Patrum.  
Dicimus, QUOAD NOS. Nam quando SENSUS Scripturae in  
se consideratur, prout à Spiritu sancto est intentus, & ab eo  
provenit, ejusq; Verbo inest: tunc libenter concedunt, quòd  
pendeat à Spiritu sancto, tanquam à causà Efficiente; utpote  
cujus est etiam VERBUM. Sed quando consideratur, QUOAD  
NOS; & quatenus nobis innotescit, eum esse verum, genui-  
num, & à Spiritu sancto intentum Sacre scripturae SENSUM;  
tunc dicunt eum pendere à SENSU Ecclesia, quæ Spiritum san-  
ctum habeat ex peculiari privilegio; & ab unanimi CONSENSU  
Patrum. Unde solum Synodus pro hoc Canone & aliis assertio-  
nibus Pontificiis attulit Andræus, apud Chemnit. part. 1. Ex-  
am. p. 43. Deus semper in mundo habet aliquam Ecclesiam. Vera  
autem



9  
autem Ecclesia, à verà fide se jungi & separari non potest. Nec-  
cessariò ergò nobis credendum est, quicquid sive olim, sive nunc Ec-  
clesia sive tradidit, sive credit, etiamsi nullo id Scripturæ testimo-  
nio probari possit: & per consequens, non Scriptura, sed Ecclesia  
SENSUS norma est exactissima, ad quam dirigenda & surmunda  
est fides nostra. Et Hosius de expresso Verbo DEI apud eundem  
Chemnitium cit: l. p. 39. dicit: Si quis habeat interpretationem Ro-  
manæ Ecclesiæ, de loco aliquo Scripturæ, etiamsi nec sciat, nec intel-  
ligat, an & quomodo cum Scripturæ verbis conveniat, illum tamen  
habere ipsissimum Verbum DEI.

X. Quibus collactea sunt, quod Panigarolla lect: 1. Discepat:  
Cathol: Omnes controversiæ, scripsit, quæ unquam fuerunt, quæ  
sunt, quæve ullis temporibus futura sunt, ad fidem Catholicam,  
pertinentes, ad hoc unum rediguntur, ut reperiatur, quænam  
sit vera Ecclesia. Et causam addit: quia quoties aliqua  
oriatur quæstio, percutiabor, inquit, quid Ecclesia sentiat? Et  
quòd Matthias Bredembachius, de dissidiis Ecclesiæ compo-  
nendis pronunciavit: Neg, enim Scriptura est iudex Ecclesiæ, sed  
Ecclesia & iudex est, & interpret Scripturæ. Quemadmodum  
itaq; apud Plantum in Mostellaria, versutus Tranio, ut senem  
ludificaretur, dicebat, terrificæ monstra videri in adibus: Nunc  
tu hinc emigra, inquiens; Ecclesiæ hæ sunt ades, impia est habita-  
tio. Quæ hæc monstra fiunt, anno vix possum eloqui, Act: II. Scen. II.  
Ita omnes nervos intendunt Pontificii, ut homines à Scri-  
pturâ abducant ad Ecclesiam, & propterea dicunt, terrificæ  
monstra videri in eâ; dum modò obscuritatis, modò imperfec-  
tionis, modò ambiguitatis eandem incusant, & SENSUM ejus  
à SENSU Ecclesiæ suspendere satagunt.

XI. Ut itaq; ad nostram & veram sententiam paulatim  
deveniamus: audiamus, quid hic scriptum reliquerit  
Defensor Concilii Tridentini acutus & sagax, Bellarminus.  
Sic igitur ille Lib. III. De Verbo Dei, cap. III. Convenit, inquit,

inter nos & adversarios, Scripturas intelligi debere eo Spiritu, quo factæ sunt, id est, Spiritu sancto. Quod Apostolus Petrus epist. 2. cap. 1. docet: cum ait: Hoc primum intelligentes, quod omnis Prophetia Scriptura, propria Interpretatione non sit. Non enim humanâ voluntate, allata est aliquando prophetia, sed Spiritu sancto inspirati, loquuti sunt sancti Dei homines. Ubi B. Petrus probat, non debere exponi Scripturas ex proprio ingenio, sed secundum dictamen Spiritus sancti, quia non sunt scripta humano ingenio, sed ex inspiratione Spiritus sancti. Hæc omnia rectissime scripsit Bellarminus. Totâ igitur questio, pergit, in eo posita est, ubi sit iste Spiritus? Nos enim existimamus hunc Spiritum, etsi multis privatis hominibus sæpè conceditur, tamen certè inveniri in Ecclesia, id est, in Concilio Episcoporum, confirmato à summo Ecclesia totius Pastore, sive in summo Pastore cum Concilio aliorum Pastorum. Non enim disputare volumus hoc loco de summo Pontifice & Concilio, an solus Pontifex possit rem definire, & an solum Concilium, de hoc enim suo loco agemus. Sed hic in genere dicimus, Iudicem verè SENSUS Scripturæ & omnium controversiarum, esse Ecclesiam, id est, Pontificem cum Concilio. in quo omnes Catholici conveniunt; & habetur expressè in Concilio Tridentino, Sess. IV.

XII. Ergo I. non est in questione: Unde SENSUS Scripturæ sacra dependeat in sese? Utrinq; enim conceditur, quod pendeat à Spiritu sancto, tanquam à causâ Scripturæ sacra Efficiente: Sed unde dependeat; QUOAD NOS, sive quatenus nobis innotescit. An principium illius notitiæ, (sive ut barbare loquamur innotescentiæ) aut intelligentiæ, sit SENSUS Ecclesiæ, & unanimis Doctorum consensus, an aliud quid? II. Nec est in questione: An sensus Scripturæ dependeat à proprio alicujus ingenio, ut Bellarminus loquebatur; Vel ab alicujus privato Spiritu fanatico. Nam & hoc utrinq; removetur. Ita enim Articuli Smalcaldici Part. III. art. VIII. Et in his, quæ Vocale & externum verbum

bum concernunt, constanter tenendum est, DEUM nemini Spiritum vel gratiam suam largiri, nisi per Verbum, & cum verbo externo & precedente: ut ita pramuniamus nos adversum Enthusiastas, id est, Spiritus, qui jactitant, se ante verbum, & sine verbo Spiritum habere, & ideo Scripturam sive vocale verbum, judicant, sicut, & reflectunt pro libito, ut faciebat Monetarius, & multi adhuc hodie, qui acutè discernere volunt inter Spiritum & literam, & neutrum norunt, nec quid statuunt, sciunt. Et rursus sub finem: Quare in hoc nobis est constanter perseverandum, quod DEUS nō velit nobiscum aliter agere, nisi per vocale verbum & Sacramenta; & quod quicquid sine verbo & Sacramentis jactatur, ut Spiritus, sit ipse Diabolus. Et utrinq; conceditur: Quod Sacra Scripturae sint exponendae secundum dictamen Spiritus sancti, quia non sint scriptae humano ingenio, sed ex inspiratione Spiritus sancti. III. Nec hoc est in questione: An Sensus Scripturae sacrae dependeat ab Inspiratione aliqua Spiritus sancti extraordinaria, qualis contigit Josepho, Gen. 41. v. 16. Danieli cap: 2. v. 19. Nam & haec utrinq; seponitur. Sed questio est de Inspiratione Ordinaria. De qua Gregorius de Valentia, ad locum Petri, 2. Pet. cap: 1. v. 21. apud Chamierum, Tom. I. Panstrat. c. 19. dicit: Opus est ei, qui Doctrinam Scripturae certò ac infallibiliter in controversis questionibus intelligere velit, ut discat ex aliqua alià auctoritate in Ecclesia, communi, per quam Spiritus sanctus communiter loquatur, omnesq; doceat. Ratio est, quia, quemadmodum non auctoritate humana, sed divina locuti sunt in Scripturis sancti Dei homines: ita etiam non humana ac propria industria hujus vel illius hominis, illo modo, ne ex ipsa quidem Scriptura, sententia Scriptura certò cognoscenda est, sed ex aliqua auctoritate item divina, per quam ipse Spiritus sanctus sit certissimus Scripturae Interpret. IV. Hic igitur STATUS QUESTIONIS est: Undenam dependeat quo-

ad nos SENSUS Scripturae sacrae, à Spiritu sancto intentus? an dependeat à Spiritu sancto per Scripturam ad nos loquente, & ita ab ipsa Scriptura? An verò ab Ecclesia & communi consensu Patrum; & ita à Spiritu sancto, quatenus ille Ecclesiam, hoc est, ut Bellarminus exponit, Pontificem cum Concilio tanquam IUDICEM veri Sensus Scripturae infallibiliter regit, & per Patres Scripturas interpretatus est; quæ assistentia Spiritus S. auctoritas divina peculiaris sit, per quam ipse Spiritus S. sit certissimus Scripturae Interpret? Prius est dogma nostrum: Posterius arrogantissimum Pontificiorum commentum. Conflungunt enim; infallibilem assistentiam Spiritus S. Pontifici cum Concilio pronuncianti, & Scripturas interpretanti, inseparabiliter adesse, & hanc distinctam auctoritatem divinam dicunt diversam esse ab auctoritate divinâ sacrae Scripturae; quæ quoad nos, maior sit auctoritate Scripturae: & in Ecclesia communis, per quam Spiritus sanctus communiter loquatur, omnesq; doceat, ac ab hac sola quoad nos dependere, verum, genuinum, & à Spiritu sancto intentum Sacra Scripturae SENSUM. Cui sententiae etiam natales suos debet audax assertio Becani Lib. 1. Man. c. 1. q. 6. dicentis: nos non habere veram Scripturam; quoniam nos habeamus authenticam Scripturae Interpretationem, nec habere possumus, nisi ab ipsis eam accipiamus. Ubi enim, secundum ejus sententiam nullus est Pontifex, vel cum vel sine concilio, Scripturam explicans: ibi etiam nulla est authentica, à divinâ auctoritate, & Spiritu sancto profecta Scriptura sacra interpretatio, nullus verus, & genuinus Scripturae sensus. Et in tantum excrevit isthæc superbia, ut Bellarminus Lib. II. de Sacramentis c. 25. p. 247. scribat: Omnium Conciliorum veterum, & omnium dogmatum firmitas, pender ab auctoritate praesentis Ecclesiae. Et quod Concil. Trident. decrevit de Baptismo; can. 5. Si quis dixerit in Ecclesia Romanâ, quæ omnium Ecclesiarum mater est, & magistra, non esse veram de Baptismi Sacramento doctrinam, anathema sit. Et quod recentissimus Tranius, & Medius subinde clamitans de

11

de Ecclesiis Lutheranorum; *Impia est habitatio, quæ ibi monstra-  
sunt, anno vix possum eloqui: Postulato suo IV. scripsit: Postu-  
latur, ut Lutherani Doctores aliquâ demonstratione ostendant,  
quod apud eos sit genuinus SENSUS Scripturæ sacræ!*

XIII. Cum quibus pulchrè concinunt quæ in Exami-  
ne hujus Canonis circa *statum Quaestionis* tradidit B. Chemni-  
tius: Docens: I. Multos Scripturæ locos ita comparatos  
esse, ut juxta verba Augustini, *& doctis & indoctis ad eos ac-  
cessus pateat*: in quibus manifestis Scripturæ sacræ locis et-  
iam dicimus omnia ea contineri, quæ pertinent ad fidem &  
mores, uti ex controversiâ de perspicuitate & insitâ clarita-  
te Scripturæ sacræ constat. Propter difficiles autem & obscu-  
ras sententias DEUM voluisse exstare *donum Interpretationis*,  
ei datum, cui DEUS id voluerit dare, *1. Cor. 12. v. 11.* quod non sit  
contemnendum, vel abjiciendum, sed reverenter usurpan-  
dum, tanquam organon & adminiculum, ad inveniendum  
& intelligendum, verum & sanum Scripturæ sensum. II.  
*Donum istud Interpretationis non esse extra Ecclesiam in non-*  
*renatis: sed esse lumen Spiritûs sancti, accensum in cordibus pio-*  
*rum.* Animalis homo enim non percipit ea, quæ Spiritûs  
sunt, stulticia enim sunt ei: Spiritusalis verò dijudicat omnia,  
*1. Cor. 2. v. 14.* In Ecclesiâ autem Filius Dei sedens ad dextram  
Patris dat talia dona ad ædificationem corporis sui, *Ephef.*  
*4. v. 12. 13.* III. Dicit & hoc certum esse, *neminem debere sua*  
*prudencia inniti in Scripturæ interpretatione, ne in claris quidem*  
*locis.* Illud enim manifestè scriptum esse, *2. Pet. 1. v. 20.* Scri-  
pturam non esse *privata interpretationis.* Et illos, qui sacram  
Scripturam ad suos sensus, quos antea præsumserunt, intel-  
ligendos contorqueant, *facere hoc in perniciem suam 2. Petr. 3.*  
*v. 16.* Optimum enim Scripturæ Lectorem esse, secundum  
Hilarium, qui *doctorum intellectum non attulerit, sed retulerit*  
*ex Scripturâ.*

XIV. *Quatuor autem ibid. dicit esse capita, de quibus inter nos & Pontificios controvertatur. I. Primò enim contendunt, inquit, donum Interpretationis ordinariæ Episcoporum successioni ita alligatum esse, ut quicumq; ad thronos illos evebatur, ejus qualescung; interpretationes statim suscipienda & veneranda sint, tanquam legitima, vera & sana, quæ valeant ex privilegio loci, quem illi occupant. Sicuti ex tali præsumptione dicunt, quòd Papa habet omnia jura in scrinio pectoris sui; etiamsi sit idiota, & tam obliviosus, ut immemor sit etiam sui. Item, quòd habeat voluntatem pro ratione, in his quæ vult: quod possit formam Sacramentorum, ab Apostolis traditam immutare: quod contra Epistolas Pauli possit statuere: quòd dispensare possit contra prima quatuor Concilia, & contra verba Evangelii, &c. ut habent Canonistarum verba. II. Secundò: Ex dono Interpretationis faciunt auctoritatem quasi pratoriam: ut non opus ipsis sit, interpretationem probare, monstratis certis & firmis rationibus, & fundamentis interpretationis: Sed sine examine, sine inquisitione, & dijudicatione simpliciter volunt nos jurare in illum sensum, quem nobis obtrudunt illi: qui sine ostensione Spiritus jus interpretandi sibi arrogant. III. Tertiò: Quando dictum aliquod Scripturæ Pontificii ad suas corruptelas transformarunt, sollicitè inquirunt in Patrum scriptis, ut aliquas inde sententias corradant, quomodocung; patrocinaturas suo proposito. Et tales interpretationes Veterum quacunq; occasione, quocunq; modo traditas, contendunt simpliciter sine discrimine & examinatione recipiendas esse, si verbis Scripturæ consentiant, si ab illis dissentiant. IV. Arrogant & hoc sibi Pontificii, ut in locis Scripturæ etiam clarissimis, à simplici & genuinà sententiâ, quam propria verborum significatio præbet, liberè possint discedere, & aliam assuere, tali dictatoriali auctoritate: ut nobis credendum sit, non quod Scriptura simpliciter, propriè & apertè dicit, sed quod*

quod ipsi pro imperio & auctoritate nobis interpretantur. Hoc 12  
enim artificio eludunt locos clarissimos, de fide justificante,  
de reliquiis peccati in renatis, de imperfectione bonorum,  
operum in hac vita, de libero arbitrio, de intercessione,  
CHRISTI. Quæ capita Quatuor, rectè B. Chemnitius vocat  
Babylonicam servitutem fidei implicita, propterea, quod volunt  
nobis impositâ esse necessitatem credendi, quæcunq; Eccle-  
sia Pontificia tenet & proponit, licet nullis verbi testimoniis  
probari possint: & quidem ita, ut non opus sit vel cogitare,  
vel inquirere, vel intelligere, quæ & qualia sint illa, an & ubi  
in verbo Dei habeant fundamenta: ut rem in summam con-  
jiciamus: Nemo dicat: *Papa quid facis? Episcopo, dealbate pa-  
ries; quid dicis?* Et hæc de vero STATU Quæstionis. Calu-  
mnia enim est, quod vociferatus est Andrædus: Nos in agre-  
ssibus hominibus egregiam & solidam sacrarum literarum cogni-  
tionem requirere. Et quod Bécaneus in Manuali Lib. I. c. 1. q. 5. §. 23.  
gannit; Nos omnibus, etiam laicis & mulierculis, permittere liber-  
tatem non solum legendi, sed & interpretandi Scripturam, cum ad  
hoc officium à Deo minime vocati, ac proinde nec idonei sint.

XV. Nostra igitur sententia est: SENSUM Scriptura sa-  
cra quoad nos dependere ab ipsâ Scripturâ; Sive à Spiritu sancto  
non extra, sed per Scripturam ad nos loquente. Et hoc probamus  
I. Quia Spiritus sanctus semper adest Scriptura sacra, tanquam  
Verbo suo, & in animis hominum efficax est & testatur: Sese esse,  
qui loquatur. Nam Spiritus est, qui testatur Spiritum, id est, do-  
ctrinam Spiritûs, veritatem esse, inquit Johannes 1. Epist. 5. v. 16.  
Cui consimile est, quod paullo post de fide Verbo DEI habi-  
tâ v. 10. dicit. *Qui credit in Filium DEI, habet testimonium DEI,*  
ut Vulgata legit, *in seipso.* Et cap. 2. v. 27. Hæc operatio Spi-  
ritûs sancti in animis credentium, vocatur Unctio, quando di-  
cit: *Unctio vos docebit omnia.* Quare & Salvianus lib. III. de  
Providentiâ dicit: *Alia omnia, id est humana dicta, argumentis ac*

testibus egent: Dei autem sermo ipse sibi testis est. Et ex ipsis ad-  
versariis Franciscus Sdaretz, Tractatu de Fide Diss. 111. sect. 12.  
scribit: In actu exercito, dum Deus aliquid dicit, quasi per intrin-  
secam reflexionem ejusdem actus in seipsum dicit, se dicere. Et post-  
ea: Hoc ergo modo divinum verbum & rem dictam & seipsum di-  
cit, & hac ratione per fidem infusam creditur, non per resolutio-  
nem in aliud Verbum (Ecclesiæ, vel Pontificis.) sed per seipsum,  
uti dudum ab aliis fuit observatum. Argumentamur ergo:  
Quicumq; semper adest Scriptura sacra, tanquam verbo suo & per  
illud mentes hominum illuminat, & de eo, per Verbum, tanquam  
presens Interpres & testis, testificatur, sese esse qui loquatur: ab eo  
SENSUS Scriptura sacra, quoad nos dependet. Sed Spiritus sanctus  
per sacram Scripturam ad nos loquens, semper adest Scriptura sa-  
cra, tanquam Verbo suo, & per illud mentes hominum illuminat,  
& de eo per Verbum ipsum, cui inseparabiliter adest, tanquam pra-  
sens Interpres & testis testificatur, sese esse, qui loquatur. E. à Spi-  
ritu sancto per Scripturam ad nos loquente; & consequenter ab  
ipsa Scripturâ sacrâ SENSUS ejusdem quoad nos dependet. Ecce ita  
dictamen Spiritus sancti, secundum quod Scriptura sacra expo-  
nienda est, non erit quærendum extra Scripturam, sed in eâ,  
& apud eam.

XVI. Inquis 1. Concedo, quod SENSUS Scriptura quo-  
ad nos dependeat à Spiritu sancto: Sed questio est; Ubi Spiritus  
ille sit quærendus? An apud Scripturam & in eâ, an verò apud Ec-  
clesiam; Dico: quòd sit quærendus apud Ecclesiam, sive Pontificem  
cum Concilio. Illi enim habent Spiritum sanctum, habent infallibi-  
litatem, & donum interpretationis, ex privilegio officii & loci.  
Sed respondemus. 1. Non potest ullo manifesto Scripturæ  
loco ostendi, quòd Spiritus sanctus ordinariè alio modo homini-  
bus deitur, aut iis loquatur & sese explicet, quàm per Verbum &  
& Sacramenta. Unde Articuli Smalcaldici, loc. suprâ citato, post-  
quam dixissent: Constantè tenendum est, DEUM nemini Spiritu,



tum, vel gratiam suam largiri, nisi per Verbum; Papatum Entu-  
siasmi postulant, dum dicunt: Quid, quod etiam Papatus sim-  
pliciter est merus Enthusiasmus, quo Papa gloriatur, omnia  
jura esse in scrinio sui pectoris, & quicquid ipse in Ecclesia sua sen-  
sit & jubet, id Spiritum & justum esse, etiamsi supra & contra Scri-  
pturam & vocale verbum, aliquid statuat & precipiat. Et hoc  
merito faciunt. Qui enim statuunt, alio modo Spiritum san-  
ctum nobiscum ordinariè egere, quàm per Verbum & Sacramenta,  
Enthusiasta sunt, neque Enthusiasmo liberari possunt, utcunq;  
variè collum distorqueant, & solvi cupiant hoc nodo. 2. Non  
potest probari, quod Pontifex & Concilium dicto modo ha-  
beant Spiritum sanctum: Quæ igitur prolata fuerint, pe-  
tunt id, quod in principio, & ea sunt, quæ nos negamus.

XVI. Inquis II. Si SENSUS Scripture quoad nos depen-  
det ab ipsâ Scripturâ; sive à Spiritu sancto per Scripturam loquen-  
te; sequitur quod ab omni legente & audiente intelligatur: &  
cuius homini manifesta sit, omnesq; æqualiter illuminet. Sed po-  
sterius non est. Ergo nec prius. Consequentia probatur: Quia  
sicuti Spiritus sanctus æqualiter adest verbo suo, nec adessentia ejus  
recipit magis & minus: Ita etiam apud omnes æqualiter operabitur,  
& apud omnes quoq; par Intellectus erit & cognitio Scriptura sacra,  
sive æqualis illuminatio. Respondeo. Negatur consequentia Majoris.  
Operationes enim Spiritûs sancti, quas edit per Scriptu-  
ram, tanquam organum conversionis & salutis, considerari  
possunt dupliciter. 1. Quoad Actum primum, sive respectu  
Spiritûs sancti, & ipsius Scriptura sacra; & ita se habent ad o-  
mnes homines æqualiter, sunt enim medium, per quod  
omnes æqualiter homines illuminari, converti & salvari pos-

Et ita Operationes Spiritus sancti, & ipsius Scripturæ sacræ, non habent sese æqualiter; sed ad conditionem & qualitatem Subjecti, quod eas aut legit aut audit. Ratio est, quia per Scripturam Spiritus sanctus operatur non secundum potentiam suam absolutam, sed ordinatam, quæ composibilis est, & stare potest cum hominis libero arbitrio; in cuius libertate, quoad extrinsecum mediorum salutis usum, positum est, Scripturam audire, vel non audire, legere, vel non legere, admittere, vel repudiare. Quod igitur non æqualiter omnes illuminantur, aut SENSUM Scripturæ ad fidem percipiunt; ex defectu est audientis vel legentis; qui aut Verbum planè contemnit, aut oscitanter legit, & audit, aut præconceptis opinionibus Scripturæ præscribit; aut non scrutatur, aut aliàs non rectè se gerit; vel Scripturam intelligere quærit. Majoris igitur consequentia nulla est. Nam sicuti non licet argumentari: *Semen non proferebat in omni agro eodem fructus, Luc. 8. v. 5. & seqq.* Ergo non erat ubiq; ejusdem potentia, aut ubiq; idem semen: Sic etiam non licet ratiocinari; Scriptura S. non parit apud omnes eundem SENSUM & eandem illuminationem & intelligentiam à Spiritu sancto p. effectam. Ergo Spiritus sanctus æqualiter non adest verbo, & SENSUM Scriptura sacra legenti vel audienti quantum in sese est, insinuat.

XVII. Notamus tamen hic duo. I. Intelligentiam illam Sacræ Scripturæ, tanquam notitiam, & primam partem salvificæ fidei, qualitatem esse, & propterea recipere ratione Subjecti intelligentis magis & minus. Ut enim Sol oriens paulatim dispellit tenebras: Sic quoque Lumen Scripturæ sacræ magis magisque Subjectum cognoscens illuminare solet. Unde est, quod CHRISTUS jubebat *ἐγενήθη τις υἱός τοῦ φωτός*. Johan. 1. v. 9. Et ad discipulos dicebat *Luc. 8. v. 18. Vide- te ergo quomodo audiat. Quisquis enim habet, dabitur illi, & qui- aung, non habet, etiam quod putat se habere, auferetur ab illo. Et v. preced: 10. Vobis datum est nosse mysteria regni Dei, nempe Vo- bis;*

*his; Interrogantibus, v. 9. & quod Act. 17. v. 39 Berrhaenes, cum*  
*Paulus interpretaretur Scripturas, scrutarentur eas, an hac ita*  
*se haberent. Potest enim homo per acceptam gratiam & illu-*  
*minationem Spiritus sancti, quæ verbo inseparabiliter adhæ-*  
*ret; postea cooperari; & ut Eunuchus Act. 8. v. 31. interpre-*  
*tationem & penetrationem sensus Scripturæ, eleganti ver-*  
*bo describit; ὁ ἀγῶν: & cum Mariâ matre Domini, Luc. 2. v.*  
*19, σπουδάζειν τὴν ᾠδὴν; donec sacræ literæ eum ὁσιώσῃαι sive*  
*erudiant ad salutem. 2. Tim. 3. v. 15. Unde & Laici, uti non*  
*sunt arcendi à Verbi auditu: ita neque arcendi sunt à sacræ*  
*Scripturæ lectione. Ut ita SENSUS Scripturæ verissimè de-*  
*pendeat à Lumine Spiritus sancti, Verbo inseparabiliter adha-*  
*rente, & quantum est ex sese, æqualiter ad omnes se habente.*  
*Et propter has causas quoque, quotiescunq; ii pro intellectu*  
*& illuminatione orant, non tam respiciunt ad ipsam Scri-*  
*pturam, quàm ad conditionem subiecti sive ad conditionem*  
*& qualitatem sui. Videlicet ut DEUS dignetur à sese remo-*  
*vere omne illud, quod intelligentiam verbi quocunq; modo*  
*impedire possit. Notamus II Distingendum esse inter In-*  
*telligentiam Scripturarum necessariam ad salutem; sive eam,*  
*quæ pertinet ad Dona Spiritus sancti sanctificantia; & hanc Spi-*  
*ritus sanctus per scripturam sive Verbum DEI, quantum est*  
*ex sese, æqualiter omnibus hominibus vult dare. Ut enim,*  
*vult verbum suum omnibus prædicari: Sic etiam vult omni-*  
*bus dare ejusdem SENSUM & intellectum, quantum videlicet*  
*attinet ad ea Scripturæ loca, quæ pertinent ad fidem & ad mo-*  
*res, & quantum simpliciter est necessarium ad salutem.*  
*Quamvis etiam in hac ipsâ cognitione sibi reservaverit, quo-*

tus sanctus per Scripturam sacram non operatur in omnibus æqualiter, sed dividit unicuique, peculiariter sicuti vult; uti pulcherrimè ostendit Paulus, 1. Cor. 12. à v. 1. usq; ad 12. Et idem (uti de CHRISTO dicitur: ita & nos de Spiritu sancto dicimus: dedit alios quidem Apostolos, alios verò Prophetas, alios autem Evangelistas, alios autem Pastores & Doctores, Ephes. 4. v. 11. Nec tamen cuiquam hæc Intelligentia & Gratia, sive Lumen Spiritus sancti ordinariè, aliter contingit, quàm per verbū sive ipsam Scripturam sacram. Ut hanc ob causam meritò dicamus ad Laicos Anglicanos, suggestum conscendentes: *Procul hinc, procul ite profani*. Nam neque hanc necessariam Intelligentiam habent Scripturarum, nec à DEO Ecclesiis dati sunt, ut essent illorum Doctores, nec verbis eorū Spiritus sanctus adest; & quicquid de suo gloriantur Spiritu, nihil est. Spiritus enim ille non est Spiritus sanctus, sed Spiritus vertiginis, Pater mendacii & ipsissimus Diabolus. Atque de hac distinctione egregiè locutus est *Augustinus*, Tom. II. Op. Edit. Plant. p. 4. Epist. III. dum scribit: *Tanta est Christianarum, profunditas literarum, ut in eis quotidie proficerem, si eas solas ab ineunte pueritiā, usque ad decrepitam senectutem, maximo otio, summo studio, & meliore ingenio conarer addiscere, nō quòd ad ea, quæ necessaria sunt salutis, tantā in eis perveniat difficultas: sed cum quāvis ibi fidem tenuerit, sine quā piè rectèq; non vivitur, tam multa, tamq; multiplicibus mysteriorum umbraculis opaca intelligenda proficientibus resstant, tantaq; non solum in verbis, quibus ista dicta sunt, verū etiam in rebus, quæ intelligenda sunt, latet altitudo sapientiæ: ut annosissimis, acutissimis, flagrantissimis cupiditate discendi, hoc contingat, quod Scriptura dicit: Cum consummaverit homo, tunc incipit.*

XIIX. Sed quò digressi sumus? Redeamus ergò in viam. II. Secundò igitur ex Perspicuitate & effectus Scriptura sacra ita argumentamur; Quæcumq; Scriptura est perspicua, ut homi-

15  
hominem possit eruditum reddere ad aeternam salutem: illius SENSUS dependet, quoad nos, ab ipsâ illâ Scripturâ; Sed sacra Scriptura ita est perspicua, ut hominem possit eruditum reddere ad aeternam salutem. E. SACRA SCRIPTURA SENSUS quoad nos dependet ab ipsâ Scripturâ sacrâ. Majorem Propositionem probamus, quia perspicuum esse, & SENSUM suum legenti vel audienti ex insitâ claritate ingerere, sive insinuare; & obscurum esse, nec SENSUM suum, nisi interveniente aliâ quâdam auctoritate, & authenticâ Interpretatione, legenti vel audienti ingerere, sunt contradictoria, nec simul consistere possunt. Minorem autem probamus: Quia Scriptura sacra, lucerna est pedibus nostris, & lumen semitæ nostræ. Ps. 119. v. 105. Est lucerna splendens in loco obscuro, illuminans tenebricosos hominum animos, 2. Pet. 1. v. 19. Errores & ignorantiam discutit, & lumen cognitionis CHRISTI cordibus nostris præbet, 2. Cor. 3. v. 16. 2. Cor. 4. v. 6. & quæ fundamenta sunt alia, quibus Perspicuitas sacra Scripturæ in iis, quæ pertinent ad fidem & mores, probatur. Quodd autem eadem sacra Scriptura; Hominem σοφισται, sapientem & eruditum reddere ad aeternam salutem possit, manifestè docuit Paulus 2. Tim. 3. v. 15. Quare luculentissimis verbis Augustinus Lib. II. de doctrina Christiana c. 9. in iis, inquit, quæ apertè in Scripturis posita sunt, inveniuntur illa omnia, quæ continent fidem, moresq; vivendi, spem & charitatem. Item Chrysostomus Homil. 3. in 2. Thessal. πάντα τοῦτο καὶ ἡ ἐν ἡμῖν τὰ ὀφειλόμενα θεοῦ καὶ τοῦ ἀνθρώπου πάντα τὰ ἀναγκαῖα διδόνται. Omnia sunt, dilucida & rectè, quæ sunt in divinis Scripturis, manifestæ sunt, quæcumq; sunt necessaria. Et Lactant. Lib. VI. Instit. div. c. 21. p. 207. Num DEUS & mentis & vocis, & Lingua artifex, disertè loqui non potest: Immo verò summa

contra Julian: lib. 7. ult. *Ut omnibus essent nota, parvis & magis, niliter familiari sermone commendata sunt, ita ut nullius captum transcendant.* Iterum Chrysostomus Homil. 1. in Johannem: *Hujus doctrina, Sole clarior est & illustrior;* Idem Homil. 9. in 2. ad Corinth. *Semper enim, quando aliquid obscurum loquitur Paulus, seipsum iterum interpretatur.* Et Ambrosius Lib. 3. Epist. 3. *Ita nobiscum loquitur, ut nos sermonem ejus intelligamus.* Lib. 11. ep. 7. *Paulus in plerisque, ita seipse in suis exponit sermonibus, ut is, qui tractat, nihil inveniat, quod adjiciat suum, aut si velit aliquid dicere, Grammatici potius, quam disputatoris fungatur munere.* Rursus Augustinus, Tractatu 21. in Johannem: *Temere fortassis facimus, quia discutere & scrutari volumus verba Dei. Sed quare dicta sunt, nisi ut sciantur: quare sonuerunt, nisi ut audiantur: quare audita sunt, nisi ut intelligantur.* Relinquitur igitur, SENSUM Scriptura, quoad nos dependere ab ipsa Scriptura sacra, cum sit perspicua, clara, lucida; Interpretetur seipsam; & ita perspicuitate sua hominem erudiat, ut possit per eam consequi eternam salutem. Dicimus itaq; cum Davide Ps. 19. v. 9. *Præceptum Domini lucidum, illuminans oculos.* Equè igitur absurdum est; quòd regerit Becanus in Manuali Lib. 1. c. 1. g. 4. m. 13. *Scripturam vocari lucernam lucentem, non quia facile intelligitur, sed quia intellecta illuminat!* ac si dicerem; *Lumen est lumen, quia illuminatum illuminat, Lucerna est lucerna, quia illustrata lucet.* Non enim lumen illuminat, & Lucerna lucet, quia ab alio habet lumen: sed quia id habent in seipsis.

XIX. Argumentamur III. Ex loco Petrino, 2. Pet. 1. v. 20. ubi dicitur: *οὐκ ἔστι προφητεία ἡ ἐκ ἀνθρώπων ἰδίας ἐπινοίας ἢ γνώμης.* *Omnis Prophetica Scriptura non est privata interpretationis.* Et additur ratio, v. 21. *Non enim voluntate hominis allata est olim Prophetia, sed à Spiritu sancto impulsu locuti sunt sancti Dei homines.* Unde ita concludimus: *Quæcumq; Scriptura est divinitus inspirata, illius sensus quoad nos dependet ab illà ipsa Scripturà.*

Sed

Sed Scriptura sacra est divinitus inspirata: Et illius sensus quoad  
 nos dependet ab ipsâ illâ Scripturâ. Major probatur 1. Quia  
 Scriptura non est *idiotica*. Sed ejus sensus dependet à  
*Interpretibus*; ut Bellarminus ipse concedit. 2. Quia igitur; quoad  
 nos, SENSUS Scripturæ dependet à *Interpretibus*: Ideo illa *Interpre-*  
*tatio*, aut erit eadem cum illa, quâ impulsî, locuti sunt sancti Dei  
 homines, & quâ Scriptura sacra est allata; & ita SENSUS Scri-  
 pturæ quoad nos dependebit ab ipsâ Scripturâ, quod nos asse-  
 rimus: aut erit *distincta* ab illâ, quâ primitus allata fuit; uti  
 quidem contendunt Pontificii; dum eam apud Pontificem,  
 & Episcopum quærendam dicunt. Tertium enim nec da-  
 tur; nec cogitari potest. Sed non est *distincta* ab illâ *Interpre-*  
*tatio*, ut ex sequentibus patebit, sed à Pontificiis conficta est;  
 nec ullo manifesto dicto Scripturæ probari potest. Ergo est  
 eadem cum illâ, quâ primitus scriptura sacra allata fuit. Scri-  
 pturæ itaque SENSUS etiam quoad nos ab illâ ipsâ primævâ  
*Interpretatione*, & ita ab ipsâ scripturâ sacra dependet. Afferre e-  
 nim; *immediatam* quandam *Assistentiam* & *Inspirationem Spi-*  
*ritus sancti*, quæ Pontifici & Romanis Episcopis ex peculiari  
 privilegio concessa sit & inseparabiliter adsit, quando scriptu-  
 ram interpretantur, aut aliquid definiant ex cathedrâ, merus  
 est *Enthusiasmus*. Nam quod Ecclesia quædam particularis, &  
 ejus Doctores, non errant: id habent non ex *immediatâ* assi-  
 stentiâ Spiritus sancti: sed *mediatâ*, quatenus videlicet sequun-  
 tur vocem Spiritus sancti, & duci se sinunt per scripturas sa-  
 cras. Unde & ipsum *Jus Canonicum* dicitur, *relatum, distinct 37.*  
*Ex ipsa Scripturis capiendus est SENSUS veritatis.*

*habeant in ea vitam æternam, quoniam testificatur de CHRISTO:*  
*illius Scripturæ sensus quoad nos, dependet ab illâ ipsâ Scripturâ,*  
*Sed sacram Scripturam, &c. E. Major probatur: quia nisi illa*  
*ipsa, sensum suum nobis apta esset ingerere & insinuare: non*  
*possemus ad illam ablegari: sed ad eum ablegandi essemus,*  
*à quo quoad nos, SENSUS illius dependeret. V. Ex dicto illo*  
*manifestissimo 2. Tim. 3. v. 16. Omnis Scripturâ divinitus inspi-*  
*rata est utilis ad doctrinam, ad redargutionem, ad correctionem,*  
*ad institutionem, quæ est in justitiâ. Ut integer sit DEI homo, ad*  
*omne opus bonum preparatus. Et quod v. præced. dicitur: à pæ-*  
*ro sacras literas nosti, τὰ διδάσκει σε σοφίᾳ, quæ te possunt erudi-*  
*tum reddere ad salutem. Unde concludimus: Quæcumq; Scrip-*  
*turæ ex sese potest hominem σοφίᾳ ad vitam æternam, & æno-*  
*reddere, sive integrum, ad omne opus bonum; illa Scripturæ SEN-*  
*sus suum habet, quoad nos à seipsâ. Sed Scripturâ sacra. E. Ma-*  
*ior probatur, quia EX SEISE aliquid per semel acceptam poten-*  
*tiam & efficaciam producere posse, & non posse, sunt contra-*  
*dictoria. Minor probatur, quia Paulus hosce effectus o-*  
*mnes Scripturæ ita adscribit, ut eos ex se producere possẽ,*  
*dicat, dum 1. simpliciter hosce effectus eidem tribuit. 2. pla-*  
*nè nihil dicit, quod sacra Scripturæ hosce effectus producat*  
*dependenter, ab aliquâ quadam peculiari auctoritate divinâ*  
*& ἰσχυρίᾳ, quæ penes Romanum Pontificem & Episcopos*  
*resideat, ac distincta sit à ἰσχυρίᾳ illâ ipsius Scripturæ sacre.*  
*Quod tam apparet esse clarum, quàm quod est clarissimum.*  
*Sed hæc sufficiant! SENSUS ergo Scripturæ sacre ab ipsâ de-*  
*pendet Scripturâ sacra ejusq; primavâ ἰσχυρίᾳ, sive à Spi-*  
*ritu sancto per Scripturas loquente, nec extra eam, sed*  
*in eâ est quærendus, & ex ipsâ*  
*eruendus.*

F I N I S.